



REPUBLIKA E SHQIPËRISË
AUTORITETI I KONKURENCËS

Njoftim Për Shtyp

Rasti: Rasti i krijimit të ndërmarrjes të re të përbashkët “AIR ALBANIA” SHPK

Albcontrol SHA, në cilësinë e një prej ortakëve të shoqërisë së re të krijuar AIR ALBANIA SHPK, shoqëri e autorizuar me Vendim të Këshillit të Ministrave Nr.309, datë 16.05.2018 “Për përcaktimin e procedurave të krijimit të shoqërisë “AIR ALBANIA SHPK”, ka njoftuar Autoritetin e Konkurrencës lidhur me krijimin e kësaj shoqërie nga tre ortakët “Albcontrol” SHA, “Turk Hava Yollari A.O” dhe “MDN Investment” SHPK.

Veprimtaria e palëve pjesëmarrëse:

Ortaku 1: ALCONTROL SHA, një shoqëri aksionare, 100% shtetërore me NUIS J61908011H, e regjistruar më 01/10/1992, me zyrë qendrore në Tiranë, Rinas, me vlerë kapitali 5.679.172.000 lekë. Objekti i aktivitetit është ofrimi i shërbimeve të navigimit (lundrimit) ajror, të nevojshëm për të garantuar sigurinë, eficientë dhe rregullshmërinë e operimit të avionëve në hapësirën ajrore dhe në aerodromet civile të Shqipërisë dhe më gjerë, të publikuara në AIP¹ Albania, në përputhje me standardet ndërkombëtare, marrëveshjet dhe rregulloret në fushën e lundrimit ajror të ratifikuara.

Ortaku 2: MDN INVESTIMENT SHPK, është një shoqëri me përgjegjësi të kufizuar e krijuar më 07.05.2018 me NUIS L86707201P, me vlerë të kapitalit 100.000 euro², me adresë Vlorë –Shqipëri, me ortakë Najada Idrizi (50% të aksioneve) dhe Rejana Idrizi (50% të aksioneve) me objekt të aktivitetit projektimin, financimin, ndërtimin, kryerjen, funksionimi si dhe menaxhimi i Aeroportit Ndërkombëtar, i cili përfshin ndër të tjera marrjen në pronësi nga shoqëria të terminalit të Ri, Zyrrave të reja të Administrimit, Qendrës së re të Ngarkesës Ajrore, Pajisjeve të reja të karburantit, rrugës së re të hyrjes së Urës së Re dhe zotërimi dhe ushtrimi i uzufruktit nga shoqëria në lidhje me zonën e koncesionit. Ofrimin e shërbimeve të transportit të udhëtareve brenda dhe jashtë vendit etj.

Ortaku 3: TURK HAVA YOLLARI A.O, një kompani që ekziston sipas ligjeve të Turqisë me adresën e saj të regjistruar në Genel Yonetim Binasi, Yesilkoy Mah havaalani Cad nr. 3/1 34149 Bakirkoy, Stamboll Turqi. Veprimtaria ekonomike e Turkish Airlines është transporti ajror i udhëtarëve, postës, kafshëve, sendeve dhe çdo lloj transporti të lidhur me to dhe për rrjedhojë: 1. Të shesë bileta në lidhje me

¹ Burimi: Faqja zyrtare e Albcontrol: Aeronautical Information Publication

² Neni 6, “kapitali Themeltar”, statuti i shoqërisë

transportin ajror, të ortakërisë dhe me të tjerë dhe të bëj depozitime; 2. Të prodhojë dhe riparojë çdo gjë në lidhje me avionët dhe pjesë të avionëve, të sigurojë ruajtjen/mirëmbajtjen e tyre dhe në këtë drejtim të ketë depo dhe qendra rregullimi/riparimi; 3. Të administrojë mjete transporti. Të themelojë, të ndërtojë dhe të vërë në punë qendra telegrafike, telefonike, energjetikë, lidhje komunikimi pa tela dhe çdo gjë lidhur me vijimin e punës me to, etj.

Shoqëria Target: AIR ALBANIA SHPK, me NUIS L82113028I, regjistruar më 13.09.2018 dhe themeluar më 12.09.2018, me tre aksionar/ortakë kryesore, Albcontrol SHA që zotëron 10% të aksioneve; MDN Investment SHPK që zotëron 41% të aksioneve dhe Turk Hava Yollari A.O që zotëron 49% të aksioneve. Objekti i aktivitetit të shoqërisë së re është kryerja e të gjitha llojeve të transportit ajror të brendshëm dhe ndërkombëtar duke përfshirë të gjitha llojet e transportit ajror për pasagjerët, postën, kafshët dhe ngarkesën për në dhe nga çdo pikë brenda dhe jashtë Shqipërisë, si dhe për të gjitha punët dhe angazhimet e tjera të rastit lidhur me to, duke përfshirë por jo kufizuar në shërbimin e furnizimit me ushqim, shërbimet në tokë dhe shërbimet në sallat e pritjeve si dhe operacione tregtare të avionëve/riparimin dhe mirëmbajtjen e avionëve.

Me Vendimin e Këshillit të Ministrave Nr. 309, datë 16.05.2018 “Për përcaktimin e procedurave të krijimit të shoqërisë Air Albania SHPK” është vendosur krijimi i shoqërisë së përbashkët Air Albania, duke përcaktuar edhe procedurat që do të ndiqen për krijimin e kësaj shoqërie.

Air Albania SHPK është një shoqëri e re e sapokrijuar e cila do të operojë në fushën e transportit ajror dhe do të mbajë flamurin kombëtar shqiptar sipas logos unike. Kjo shoqëri sipas VKM Nr. 309, datë 16.05.2018 “Për Përcaktimin e procedurave të krijimit të shoqërisë “Air Albania” SHPK” është krijuar në formën e një shoqërie me përgjegjësi të kufizuar me tre ortakët “Albcontrol” SHA, që përfaqëson palën shtetërore shqiptare dhe subjekteve të interesuara Turkish Airline dhe “MDN Investment” SHPK.

Nga shqyrtimi i dokumentacionit, rezulton se transaksioni i njoftuar është në përputhje me nenin 10 dhe 12 të Ligjit, sipas të cilit duhet respektivisht të realizohet ndryshimi i qëndrueshëm i kontrollit si dhe të plotësohen kriteret e xhiros.

Si pasojë ky transaksion është objekt autorizimi nga Komisioni i Konkurrencës.

Autoriteti fton palët e interesuara të shprehin opinionet e tyre për transaksionin e njoftuar.

Opinionet mund të dërgohen pranë Autoritetit të Konkurrencës me fax (Nr. 0355 4 2234 497), me postë në adresën: Autoriteti i Konkurrencës, Rr. “Sami Frashëri”, Nr. 4, Kati IV Tiranë; apo me e-mail në adresën competition@caa.gov.al.

